

卷二百五十七

皇太子皇子

卷二百五十八

公主


册命附

文獻通考

帝系考卷

二百五十七

二百五十八



文獻通攷卷之二百五十七

鄱陽馬

端臨



帝系攷

皇太子皇子策命

黃帝二十五子其得姓者十四人

索隱曰舊解破四為三言得姓十三人耳今按國語胥臣云黃帝之

子二十五宗其得姓者十四人為十二姓姬酉祁己滕葳任荀偃姑嫫伊是也唯青陽與夷鼓同已姓又云青陽與蒼林為姬姓則十四人為十二姓其文甚明唯姬姓再稱青陽蒼林蓋國語文誤所以致令前儒共疑其姬姓青陽當為亥器是帝嚳相本與黃帝同姬姓其國語上文青陽即是少昊金天氏為己姓者耳既理在不疑無煩破四為三也

黃帝娶西陵之女生二子

其後皆有天下其一曰玄囂是為青陽青陽降居江水其二曰昌意

注見后

降居若水昌意娶蜀山氏女曰昌僕生高陽高陽有聖德焉

索隱曰系本作窮係也正義曰帝舜之高祖也

帝顓頊生子曰窮蟬正義曰帝舜之高祖也

帝嚳娶陳鋒氏女生放勳娶姬訾氏女生摯帝嚳崩而摯代立帝摯立不善崩不善謂微弱不著而弟放勳立是為帝堯

堯子丹朱

舜子商均

夏禹子啓

按家天下自禹始啓而後凡襲位者非太子則王之衆子弟

也其父子繼世以有天下者已見帝號曆年門茲不贅錄其

支庶群子名字之見於經傳者錄之其所不載則無由考焉

啓子太康昆其一人為仲康餘名字不見

帝泄二子 帝不降 帝扃

殷湯三子 太丁 外丙 仲壬

太甲二子 沃丁 太庚

太庚三子 小甲 雍巳 太戊

太戊二子 外壬 河亶甲

祖乙二子 祖辛 祖丁

祖丁四子 陽甲 盤庚 小辛 小乙

武丁二子 祖庚 祖甲

祖甲二子 廩辛 庚丁

帝乙二子 微子啓 帝辛

禮記國君世子生告于君接以太牢宰堂具接讀為捷捷勝也謂食其母使補虛強氣也

三日卜士負之吉者宿齋朝服寢門外詩負之射人以桑弧蓬矢六

射天地四方詩之言承也桑弧蓬矢本太古保受乃負之代士也

醴負子賜之束帛禮當為禮禮以一獻士之妻大夫之妾使食子

食子不使君妾適妾有敵義不相襲以勞辱事也士妻大夫之妾謂時自有子正義曰王肅杜預並以病當三日之內未必能以禮相

捷為補虛強者以婦人初產必因病當三日之內未必能以禮相

接應待負子之後今前為之故知補虛強者宜速也詩含神霧云詩

之物故知木太也謂男子上事天下事地旁禦四方之難故云所有

事然射禮唯四矢者謂天地非射事所及唯禦九接子擇日雖三日

四方故止四矢蓬是禦亂之草桑聚木之本庶人特豚士特豕大夫少牢

其吉焉其吉焉冢子則太牢天子世子也庶人特豚士特豕大夫少牢

國君世子大牢皆謂長子其非冢子則皆降一等謂冢子之弟及眾妾之

大夫特豚士庶人特豚耳異為孺子室於宮中別掃一居擇於諸母與可者必求其

寬裕慈惠溫良恭敬慎而寡言者使為子師其次為慈母其次為保

母皆居子室此人君養子之禮也諸母眾妾也可者傳師之屬也子

士妻特乳食他人無事不往為兒驚動也三月之末擇日剪髮為鬻

男角女羈否則男左女右鬻所遺髮也是日也妻以子見於父

貴人則為衣服由命士以下皆漱澣貴人丈夫以男女夙興沐浴衣

服具視朔食朔食天子太牢諸侯少牢大夫特夫入門升自阼階立

于階西向妻抱子出自房當楣立東面入門者入側室之門也大夫

寢避人姆先相曰母其敢用時日祗見孺子其妻就側室見妾於內

欽有帥父執子之右手孩而名之欽敬帥循也言教之敬使有妻對

曰記有成遂左還授師記猶識也識大之言子師遍教諸婦諸母名

後告諸母若妻遂適寢復夫子之孺寢正義曰三月剪髮所留不剪

名成於尊

故曰午達者一縱一橫曰午今女剪髮留其頂上縱橫相交通達

生則君沐浴朝服夫人亦如之皆立于祔階西向世婦抱子升自西

階君名之乃降子北自西階則人君見世子於路寢也見妾子於側

於此寢生子故知亦在側室內也適子庶子見於外寢撫其手咳而

名之禮帥初無辭此適子謂其子第也庶子妾子也外寢公庶子生

就側室三月之末其母沐浴朝服見於君擯者以其子見君所有賜

君名之衆子則使有司名之有賜於君有恩惠也人君尊雖妾不花子

魯桓公名子問於由孺也○曾子問曰君薨而世子生如之何孔子曰卿大夫士

從攝主北面於西階南變於朝夕哭位也攝太祝裨冕執纒帛升自

西階盡等不升堂命無哭將有事且清淨也裨冕者祔神則祭服也

冕則大祝聲三告曰某之子生敢告也聲應敬警神升奠幣于殯東几

上哭降几于殯東衆主人卿大夫士房中皆哭不踴衆主人君之親

盡一哀反位遂朝奠反朝夕小宰升奠幣所生也舉而三日衆主人

卿大夫士如初位北也初告生時太宰太宗太祝皆裨冕少師奉

子以纒祝先子從宰宗人從入門哭者止宰宗人詔子升自西階殯

前北面祝立于殯東南隅祝聲三曰某之子某從執事敢見子拜稽

顙哭奉子者祝宰宗人衆主人卿大夫士哭踴三者三凡踴三節為

一踴謂之成踴故云三者三降東一人位皆袒子踴房中亦踴三者三襲纒杖踴

禮也奠出亦謂太宰八祝史以名徧告于五祝山川因奠名之如已

葬而世子生太宰太祝從太祝而告于禰告三月乃名于禰以名徧

告及社稷宗廟山川也

右古者生世一之禮此經所言雖皆諸侯之禮然戴記中所

述喪禮祭禮多是諸侯之禮而未嘗不可通之天子也以是

推之亦可見矣言天子則太宰又曰國君世

禮託凡三王教子必以禮樂樂所以脩內也禮所以脩外也禮樂交

錯於中發形於外是成其成也澤恭敬而溫文中立太傅少

師

師

傳以養之欲其知父子君臣之道也養猶教也言養者積成也言養者積成也太傅審父子君

臣之道以示之謂為之行其禮少傅奉世子以觀太傅之德行而審喻之謂為之

其太傅在前少傅在後謂其在後入則有保出則有師謂燕居是以教

喻而德成也維持之師也者教之以事而喻諸德者也保也者慎

其身以輔翼之而歸諸道者也謂其身記曰虞夏商周有師保有

疑丞記所云謂天子設四輔及三公不必備唯其人語使能也語言

能則已用之君子曰德德成而教尊教尊而官正官正而國治此之謂

也左曰輔古曰弼天子必有四鄰前曰疑後曰丞

正而不正責之輔可弼而不揚責弼其爵視知祿視六國之君

右古者教世子之禮歷代所建師傅本此其歷代師傅宮僚

建置置本末已見職官門茲不更錄其文王世子篇所言序

序釋奠養老乞言等事雖亦為教世子設然其本則學校也

已見學校門此亦不詳著焉

漢文帝時曾詔上疏曰古之王者太子廼生固舉以禮正始使

士負之有司茲肅冕見之南郊見于天也過闕則下過廟則趨

孝子之道也故自為赤子而教固已行矣昔者成王幼在緇抱

之中召公為太保周公為太師保保其身體傳傳

之德義師道之教訓此三公之職也於是為置三少皆上大夫

也曰少保少德少師是與太子宴者也故乃孩提有識三

公三少固明孝仁禮義以道習之逐去邪人不使見惡行於是

皆選天下之端士孝悌博聞有道術者以衛翼之使與太子居

處出入故太子廼少知妃色則入于學學者所學之官也學舍

人也及太子禮曰帝入東學上親而貴仁則親疎有序而恩相及矣帝入南

學上齒而貴德則聖智在位功不遺矣帝入北學上貴而尊爵則貴賤有等

栗不踰矣

踰與踰同謂越制

帝入太學承師問道退習而放於太博太

傳罰其不則而匡其不及則惠智長而治道得矣此五學者既

成於上則百姓黎民化輯於下矣及太子既冠成人免於保傅

之嚴則有記過之史有過則記徹膳之宰則有則進善之旌進善言者

誅謗之木誅惡事者敢諫之鼓欲顯諫者瞽史誦詩工誦箴諫

工樂也大夫進謀士傳民語習與智長故切而不媿每被切磋故

媿之化與心成故中道若性三代之禮春朝朝日秋暮夕月所

以明有敬也朝日夕月以朝暮春秋入學坐國老執醬而親餽

之所以明有孝也行以鸞和鸞和鸞和車也步中采齊樂詩名也字或

才和趣中肆夏亦樂詩名趣讀曰趨趨疾步也所以明有度也

其於禽獸見其生不忍其死聞其聲不忍食其肉故遠庖厨所

以長恩且明有仁也夫三代所以久長者以其輔翼太子有此

具也

三册四

卷之五

五

右賈誼疏所言教養世子之法與戴記相出入故附于此

周文王之為世子朝於王季日三三皆曰朝以其禮同鷄初鳴而衣服至於寢

門外問內豎之御者曰今日安否何如內豎小臣之屬掌外內之通

內豎曰安文王乃喜孝子恒競競及日中又至亦如之及莫又至亦如之

莫夕也其有不安節則內豎以告文王文王色憂行不能正履履謂履

履也王季復膳然後亦復初食上必在視寒暖之節在察也食下問所

膳膳問所食者命膳宰曰末有原應曰諾然後退末猶勿也原再也勿有

退反武王帥而行之不敢有嘉焉庶幾程式文王有疾武王不說冠

帶而養言常在側文王一飯武王亦一飯文王再飯亦再飯欲知氣味

有二日乃間

文王正妃太妙生武王武王同母兄弟十人其長子曰伯邑考次日

武王發次日管叔鮮次日周公旦次日蔡叔度次日曹叔振鐸次日

成叔武次日霍叔處次日康叔封次日冉叔載正義非

右史記世家所載如此左傳言蔡邕霍魯衛毛聃邴雍
滕畢原鄆郇文之昭也杜氏註十六國皆文王子也然則史
記世家所載十人蓋太姒正妃之子而邴雍滕畢原鄆郇七
人則皆庶子歟七人皆受封惟畢與周召共佐成王功德最
顯滕有國至戰國時傳世最久餘無聞焉

武王子 成王 邢 晉 應 韓

右文王武王之子其詳見於左傳故倍錄之成王以後之王
子除繼世以有天下者可攷而餘無聞焉其經傳所及者亦
略載之于后

又按周以來王子多為諸侯其受封傳世之本末分藩建國
之規制已詳著于封建攷更不再叙姑錄其名字耳漢以後
諸侯王倣此

穆王二子 共王 繁 苞 孝王 辟方

厲王二子 宣王 靜 鄭 桓 公 友 昭 幽 王 子 朝

幽王二子 平王 宜 曰 伯 服

桓王二子 莊王 佗 王子 克

莊王二子 釐王 胡 齊 王子 頹

惠王二子 襄王 鄭 甘 昭 公 叔 帶

頃王二子 匡王 班 定王 瑜

景王四子 太子 聖 悼王 猛 敬王 丐 王子 朝

貞王三子 哀王 去 疾 思王 叔 考王 嵬

考王二子 威烈王 午 西周 桓 公 揭

安王二子 烈王 喜 顯王 扁

秦孝文王子二十餘人 呂不韋說子楚曰子之兄第二十餘人子考王
不甚見幸又慎諸侯太子即位不得為嗣矣

始皇子 長子 扶蘇 公子 十二人 公子 將闔 昆 第三子

公子 高 二世 胡亥

按此據史記載二世既立趙高言沙丘之謀諸公子及大臣
疑之諸公子皆帝兄怏怏不服當盡除之於是公子十二人
僂死於市公子將閻昆第三人囚於內宮議其罪使賜死
三人皆流涕拔劍自殺公子高欲奔恐收族乃上書請從死
驪山二世許之以是觀之始皇之子見於傳記而可攷者十
六人并扶蘇胡亥為十八人扶蘇以下十七人俱為胡亥所
殺胡亥復為趙高所殺皆不得良死嗟乎威震四海功加五
帝而身歿未幾子孫殲焉彼文昭武穆之苗裔分茅胙土與
國咸休者數百年而未艾也仁而延暴而顛信哉

漢高皇帝八男呂后生孝惠帝曹夫人生齊悼惠王肥薄姬生孝文
帝戚夫人生趙王如意趙姬生淮南厲王長諸姬生趙幽王友趙共
王恢燕靈王建高五王傳

孝文皇帝四男竇皇后生景帝梁孝王武諸姬生代孝王參梁懷王

仲惟哲
王傳

孝景皇帝十四男王皇后生孝武皇帝栗姬生臨江閔王榮河間獻
王德臨江哀王閔程姬生魯共王餘江都易王非膠西王端賈夫
人生趙敬肅王彭祖中山靖王勝唐姬生長沙定王發王夫人生廣
川惠王越膠東康王寄清河哀王乘常山憲王景十三王傳

孝武皇帝六男衛皇后生戾太子趙婕妤生孝昭帝王夫人生齊懷
王閔李姬生燕刺王旦廣陵厲王胥李夫人生昌邑哀王武五王傳

孝宣皇帝五男許皇后生孝元帝張婕妤生淮陽憲王欽衛婕妤生
楚孝王躡公孫婕妤生東平恩王宇戎婕妤生中山哀王竟宣元六王傳

孝元皇帝三男王皇后生孝成皇帝傅昭儀生定陶共王康馮昭儀
生中山孝王興宣元王傳

東漢光武十一子郭皇后生東海恭王強沛獻王輔濟南安王康阜
陵質王延中山簡王焉許美人生楚王英光烈皇后生顯宗東平憲

王蒼廣陵思王荆臨淮懷公衡琅邪孝王京

明帝九子賈貴人生章帝陰貴人生梁節王暢餘七王千乘哀王建

陳敬王羨彭成靖王恭樂成靖王黨下邳惠王衍淮陽頃王昞濟陰

悼王長本書不載母氏

章帝八子宋貴人生清河孝王慶梁貴人生和帝申貴人生濟北惠

王壽河間孝王開餘四王千乘正王伉平春悼王全城陽懷王淑廣

宗殤王萬歲不載母氏

和帝一子平原懷王勝

後漢制拜皇太子儀百官會位定謁者引皇太子當御座殿下北面

司空當太子西北東面立讀策書畢中常侍持太子璽綬太子拜

三稽首謁者贊曰皇太子臣某甲謁者稱制曰可三公升階上殿賀

壽萬歲因赦天下

舊制太子食湯沐十縣周衛交戟五日一朝因坐東箱省視膳食

中五百七十四

大文獻通考卷三百五十七

其非朝日使僕中允旦旦請問而已明不嫖黷廣其敬也

魏武帝二十五男十皇后生文皇帝任城威王彰陳思王植蕭懷王

熊劉夫人生豐愨王昺相殤王鑠環夫人生鄧哀王冲彭城王據燕

王宇杜夫人生沛穆王林中山恭王褒秦夫人生濟陽懷王琰陳留

恭王峻尹夫人生范陽閔王矩王昭儀生趙王揮孫姬生臨邑殤公

子上楚王彪剛殤公子勤李姬生穀城殤公子乘郟戴公子整靈殤

公子吉周姬生樊安公均劉姬生廣宗殤公子棘宋姬生東平靈王

徽趙姬生樂陵王茂

文帝九男甄皇后生明帝李貴人生贊哀王協潘淑媛生北海悼王

綰朱淑媛生東武陽懷王鑿仇昭儀生東海定王霖徐姬生元城哀

王禮蘇姬生邯鄲懷王邕張姬生清河悼王貢宋姬生廣平哀王儼

晉宣帝九男穆張皇后生景帝文帝平原王幹伏夫人生汝南文成

王亮琅邪武王由音清惠亭侯京扶風武王駿張夫人生梁王

柏夫人生趙王倫

文帝九男文明王皇后生武帝齊獻王攸城陽哀王北遼東悼惠王定國廣漢殤王廣德其樂安平王鑒燕王機皇子永祚樂平王延祚不知母氏

武帝三十六男楊元后生毗陵悼王軌惠帝秦獻王東審美人城陽懷王景楚隱王瑋長河厲王義徐才人生城陽殤王憲匱才人生東海冲王祗趙才人生始平哀王裕趙美人生代哀王演李夫人生淮南忠壯王允吳孝王晏嚴保林生新都懷王該陳美人清河康王暹諸姬生汝陰哀王謨程才人生成都王穎王才人生孝懷帝楊悼后生渤海殤王恢餘八子不顯母氏並早夭又無封國及追謚元帝六男宮人荀氏生明帝及琅邪孝王哀石婕妤生東海哀王冲王才人生武陵威王晞鄭夫人生琅邪悼王煥及簡文帝

明帝二男廢皇后生成帝康帝

成帝二男太妃周氏生哀帝海西公

簡文帝七男王皇后生會稽思世子道生皇子俞生胡淑儀生臨川王郁皇太子生王淑儀生皇子天流李夫人生孝武帝會稽孝王道子俞生朱生天流並早夭

孝武帝二子安帝恭帝 不知母氏

晉制皇帝會公卿座位定太子後至孫毓以為群臣不應起禮曰父在斯為子君在斯為臣侍坐於所尊見同等不起皆以為尊無二上故有所厭之義也昔衛綰不應漢景之召釋之正公門之法明太子事同於群臣群臣亦統一於所事應依同等不起之禮明帝太寧三年詔曰漢魏以來尊崇儲貳使官屬稱臣朝臣咸拜此甚無謂今太子衍幼冲之年使臣先達將今所習見謂之自然此豈可以教之邪今內外通議尚書今下虛議以為春秋王太子不會名禮同於君皆所以重儲貳異正嫡苟奉之如君不得不拜矣太子若存謙冲故宜

各拜臣以為皇太子之立郊告天地正位儲宮豈得同之皇子揖解而已謂宜稽則漢魏闔朝同拜從之

徐趙云東宮臣上表天朝既用黃紙上太子疏則用白紙也此

人自作符闕宮屬者云東宮臣上疏於太子用白紙太子答之用黃紙朝之率常殿上下死罪太子答之姓白亦有惶恐此自得中朝舊法

東晉孝武皇帝泰元十二年臺符問皇太子既拜朝臣奉賀應上禮

否國子博士車胤云百辟卿士咸與盛禮展敬拜伏不須復上禮唯

方伯牧守不覩大禮自非酒宰貢羞無以裁其乃誠故宜有上禮亦

如元正大慶方伯莫不上禮朝臣奉璧而已太學博士庾弘之議按

武帝咸寧中諸王新拜有司近臣諸王公主上禮今皇太子國之儲

副既以崇建普天同慶謂應上禮奉賀按漢魏故事皇太子稱臣新

禮以太子既以子為名而又稱臣臣子兼稱於義不通除太子稱臣

之制摯虞以為孝經資於事父以事君兼臣子則不嫌稱臣宜定新

禮皇太子稱臣如舊詔從之

尚書符又問王公以下見皇太子儀及所制衣服車胤議朝臣宜朱衣襟幘拜

敬太子答拜按經傳不見其文故太傅羊祐賤慶太子稱即頭此則拜之証又大寧三年詔議其典尚書下亮謂宜稱則漢魏闔朝同拜

中五百七十 其朱衣冠冕唯地

天朝宜襟幘而已 宋武帝七男張夫人生少帝孫脩華生廬陵孝獻王義真胡健仔生

文帝王脩容生彭城王義康相美人生江夏文獻王義恭孫美人生

南郡王義宣呂美人生衡陽文王義季

文帝十九男元皇后生元凶劼潘淑妃生始興王濬路淑媛生孝武

帝吳淑儀生南平穆王鏐高修儀生廬陵昭王紹殷脩華生竟陵王

誕曹婕妤生建平宣簡王宏陳脩容生東海王禕謝容華生晉熙王

如江脩容生武昌王渾沈婕妤生明帝楊美人生始安王休仁邢美

人生山陽王休祐蔡美人生海陵王休茂董美人生鄱陽哀王休業

顏美人生臨慶王休倩陳美人生新野懷王夷父荀美人生桂陽

王休範羅美人生巴陵哀王休若紹出繼廬陵孝獻王義真

孝武帝二十八男文穆皇后生廢帝子業豫章王子尚陳淑媛生晉

安王子勛阮容華生安陸王子綏徐昭容生皇子子深何淑儀生松

滋侯子房史昭華生臨海王子頊殷貴妃生始平孝敬王子鸞次永
嘉王子仁與皇王子子深同生何婕妤生皇王子子鳳謝昭容生始安王
子真江婕妤生皇王子子玄史昭儀生邵陵王子元次齊敬王子羽與
始平孝敬王子鸞同生江美人生皇王子子衡楊婕妤生淮南王子孟
次皇王子子况與皇王子子玄同生次南平王子子產與永嘉王子仁同生
次晉陵孝王子雲次皇王子子文並與始平孝敬王子鸞同生次廬陵
王子興與淮南王子子孟同生次商海哀王子子師與始平孝敬王子鸞
同生次淮南思王子子霄與皇王子子玄同生次皇王子子雍與始安王子
直同生次皇王子子趨與皇王子子鳳同生次皇王子子期與皇王子子衡同
生次東平王子子嗣與始安王子子真同生張容華生皇王子子悅安陸王
子綏南平王子子產廬陵王子子興並出繼皇王子子深子鳳子玄子衡子
况子文子悅未封早夭子趨子期子悅未封為明帝所殺明帝十二
男陳貴妃生後廢帝謝脩儀生皇王子子法良陳昭華生順帝徐婕妤生

第四皇子鄭脩容生皇王子子智并次晉熙王燮與皇王子子法良同生泉美
人生邵陵殤王友次江夏王躋與第四皇子同生徐良人生武陵王
始建王禧智并燮躋贊並出繼法良未封第四皇子未有名早夭
齊高帝十九男昭皇后生武帝豫章文獻王疑謝貴嬪生臨川獻王
映長沙威王晃羅太妃生武陵昭王暉任太妃生安成恭王暕陸脩
儀生鄱陽王鏘晉熙王鈇袁脩容生桂陽王鐸何太妃生始興簡王
鑑宜都王鏗區貴人生衡陽王鈞張淑妃生江夏王鋒河東王鈇李
美人生南平王鈇第九第十三第十四第十七皇子早亡衡陽王鈞
出繼帝兄元王後
武帝二十三男穆皇后生文惠太子竟陵文宣王子子良張淑妃生廬
陵王子子卿魚復侯子子嬰周淑儀生安陸王子子敬建安王子子真阮淑媛
生晉安王子子懋衡陽王子子峻王淑儀生隨郡王子子隆蔡婕妤生西陽王

子明樂容華生南海王子罕傳充華生巴陵王子倫謝昭儀生邵陵
季貞江淑儀生臨賀王子岳庚昭容生西陽王子文荀昭華生南康
王子琳顏婕妤生永陽王子珉宮人謝生湘東王子建何充華生南
郡王子夏第六第十二第十五第二十二皇子早亡子珉繼衡陽元
王後

明帝十一男敬皇后生廢帝東昏侯寶卷江夏王寶玄鄱陽王寶寅
和帝殷貴嬪生巴陵隱王寶義晉熙王寶高表貴妃生廬陵王寶源
管淑妃生邵陵王寶脩許淑媛生桂陽王寶貞餘皆早夭

梁武帝八男丁貴嬪生昭明太子統簡文皇帝廬陵威王續阮脩容
生孝元帝吳淑媛生豫章王綜董昭儀生南康簡王績丁充華生邵
陵攜王綸葛脩容生武陵王紀

簡文帝二十子王皇后生哀太子大器南郡王大連陳淑容生尋陽
王大心左夫人生南海王大臨安陸王大春謝夫人生瀏陽公大雅

張夫人生新興王大莊包昭華生西陽王大鈞范夫人生武寧王大
盛褚脩華生建平王大球陳夫人生義安王大昕朱夫人生綏建王
大摯其臨川王大穎桂陽王大成汝南王大封樂良王大園並不知
母氏潘美人皇子大訓早亡

元帝諸子徐妃生忠烈世子方等王貴嬪生貞惠世子方諸始安王
方略表貴人生愍懷太子方矩夏貴妃生敬皇帝餘不顯

陳文帝十三男沈皇后生廢帝始興王伯恭嚴淑媛生鄱陽王伯山晉
安王伯恭潘容華生新安王伯固劉昭華生衡陽王伯信王充華生廬
陵王伯仁張容華生江夏王伯義韓脩華生武陵王伯禮江貴妃生永
陽王伯智孔貴妃生桂陽王伯謀二男早卒無名伯信出繼衡陽王昌

宣帝四十二男柳皇后生後主彭貴人生始興王叔陵曹淑華
生豫章王叔英何淑儀生長沙王叔堅宜都王叔明魏昭華生
建安王叔卿錢貴妃生河東王叔獻劉昭儀生新蔡王叔齊袁昭容

生晉熙王叔文義陽王叔達新會王叔坦王姬生淮南王叔彪巴山
王叔雄吳姬生始興王叔重徐姬生尋初王叔儼淳于姬生岳陽王
叔慎王脩華生武昌王叔虞韋脩容生湘東王叔平施姬生臨賀王
叔敖沅陵王叔興曾姬生陽山王叔宣楊姬生西陽王叔穆申媵好
生海陵王叔儉南郡王叔澄岳山王叔韶太原王叔匡袁姬生新興
王叔純吳姬生巴東王叔謨劉姬生臨海王叔顯秦姬生新寧王叔
隆新昌王叔榮其皇子叔儼叔忠叔泓叔毅叔訓叔武叔處叔封八
人並未及封三子早卒無名

後主二十二男張貴妃生太子深會稽王莊孫姬生吳興王胤高昭
儀生南平王嶷呂淑媛生末嘉王彥邵陵王兢龔貴嬪生南海王虔
錢塘王恬張淑華生信義王祗徐淑儀生東陽王恮孔貴人生吳郡
王藩其皇子認觀明綱統元洽縉緯威辯十一人並未及封

後魏道武皇帝十男宣穆劉后生明元帝賀夫人生清河王紹大王

夫人生陽平王熙王夫人生河南王曜河間王脩長樂王處又二王
母氏闕段夫人生廣平王連京兆王黎皇子渾及聰母氏並闕皆早
薨無傳

明元皇帝七男杜密皇后生太武大慕容夫人生樂平戾王丕安定
殤王彌闕母氏慕容夫人生樂安宣王範尹夫人生末昌莊王健建
寧王崇新興王俊二王並闕母氏

太武帝十一男賀皇后生景穆帝越椒房生晉王伏羅舒椒房生東
平王翰弗椒房生臨淮王譚伏椒房生廣陽王建閭石昭儀生吳王
余其小兒猫兒真彪頭龍頭並闕母氏蚤薨無傳

景穆帝十四男恭皇后生文成皇帝袁椒房生陽平幽王新成尉椒
房生京兆康王子推濟陰王小新成陽椒房生汝陰靈王天賜樂良
厲王萬壽廣平殤王洛侯母並闕孟椒房生任城康王雲劉椒房生
南安惠王楨城陽康王長壽慕容椒房生章武敬王太洛尉椒房生

樂陵康王胡仁孟椒房生安定靖王休趙王深早薨無傳母闕

文成皇帝七男孝元皇后生獻文皇帝李夫人生安樂厲王長樂曹

夫人生廣川莊王略沮渠夫人生齊郡順王簡乙夫人生河間孝王

若悅夫人生安豐匡王猛玄夫人生韓哀王安平早薨無傳

獻文皇帝七男思皇后生孝文皇帝封昭儀生咸陽王禧韓貴人生

趙郡靈王韓高陽文穆王雍孟椒房生廣陵慧王羽潘貴人生彭城

宣王勳高椒房生北海王詳

孝文皇帝七男林廢后生廢太子恂文昭皇后生宣武帝廣平文穆

王懷表貴人生京兆王愉羅夫人生清河文獻王懌汝南文宣王悅

鄭克華生皇平桃未封早夭

齊神武帝十五男武明婁皇后生文襄皇帝文宣皇帝孝昭皇帝襄

城景王清武成皇帝博陵文簡王濟王氏生永安簡平王浚穆氏生

平陽靖翼王淹大介朱氏生彭城景思王浹華山王凝韓氏生上黨

剛肅王渙小介朱氏生任城王潛游氏生高陽康穆王湜鄭氏生馮

翊王潤馬氏生漢陽敬懷王洽

文襄六男文敬元皇后生河間王孝琬宋氏生河南王孝瑜王氏生

廣寧王孝珩蘭陵王長恭不得母氏陳氏生安德王延壽燕氏生漁

陽王紹信

文宣五男李后生廢帝及太原王紹德馮世婦生范陽王紹義裴嬪

生西河王紹仁顏嬪生隴西王紹康

孝昭七男元皇后生樂陵王百年桑氏生襄城王亮諸姬生汝南王

彥理始平王彥德城陽王彥基定陽王彥康汝陽王彥忠

武成十三男胡皇后生後主及琅邪王儼李夫人生南陽王綽後宮

生齊安王廓北平王貞高平王仁英淮南王仁光西河王仁機樂平

王仁邕潁川王仁儉安樂王仁雅丹陽王仁直東海王仁謙

後主五男穆皇后生幼主諸姬生東平王恪次善德次買德次質錢

北齊冊皇太子皇帝臨軒司徒為使司空副之太子服遠游冠入至位使者入奉冊讀詔皇太子跪受冊於使者以授中庶子又受璽綬於尚書以授庶子稽首以出就策使者持節至東宮宮臣內外官定列皇太子階東西面若幼則太師抱之主衣二人奉空頂帽服從以受冊明日拜章表於東宮殿庭中庶子中舍人乘輅車奏章詣闕堂謝擇日齋於崇正殿服冕乘安車詣廟擇日群臣上禮又擇日會明日三品以上慶賀

天保元年皇太子監國在西林園冬會群臣議皆東面二年於北城第內大會又議東面吏部郎陸印疑非禮魏收改為西面邢子才議欲依前日凡禮有同者不可令異詩說天子至於大夫皆乘四馬以方面之少何可皆不同乎若太子定西面者王公卿大夫士復何面也南面人君正位今一官之長無不南面太子聽政亦南面坐議者引晉舊事太子在東宮西面為避尊位非為嚮臺殿也子才以為

中六〇七十一

卷之五十七

五

東晉博議依漢魏之舊太子普臣四海不以為嫌又何疑於東面禮嗣子絕旁親嗣子冠於阼冢子生接以太牢漢元著令太子絕馳道此皆禮同於君又晉王公嗣攝命臨國乘七旒安車駕用三馬禮同三公近宋太子乘象輅皆有同處不以為嫌况東面者君臣通禮獨何為避明為嚮臺所以然也近皇太子在西林園於殿猶且東面於北城非宮殿之處更不得耶諸人以東而為尊宴會須避按燕禮燕義君位在東賓位在西君位在阼階故有武王踐阼不在西也禮乘君之車不敢曠左君在惡室其位左亦在東不在西也君在阼夫人左房鄭注人君尊東也前代及今皇帝宴會接客亦東堂西面若以東面為貴皇太子以儲后之禮監國之重別第宴臣賓自得申其正位禮者皆東宮臣屬公卿預宴觀禮而已若以西面為卑實是君之正位太公不肯北面說丹書西面則道之西面乃尊也君位南面有東有西何可皆避且事之少異有可相比者周公之臣也太子子也

周公為冢宰太子為儲貳明堂尊於別第朝諸侯重於宴臣賓南面
貴於東面臣踈於子冢宰輕於儲貳周公攝政得在明堂南面朝諸
侯今太子監國不得於別第宮東面宴客情所未安且君行以太子
監國君宴不以公卿為賓朋父子無嫌君臣有賢按儀注王受詔冠
婚皇子皇女皆東面今不約王公南面獨約太子何所取耶議者南
尊改就西面轉居尊位更非合禮方面既少難為節文東西二面君
臣通用太子宜然於禮為允

周文帝十三子姚夫人生明帝後宮生宋獻公震文元皇后生孝閔
皇帝文宣叱奴皇后生武帝衛刺王直達步妃生齊煬王憲王姬生
趙僭王招後宮生譙孝王儉陳惑王純越野王盛代燮王達莫康公
通滕文王道

孝閔帝一王陸夫人生紀厲王康

武帝七男李皇后生宣帝漢王替庫汗姬生秦王贊曹王允馮姬生

道王充薛世婦生恭王允鄭姬生荆王元王始生重野順烈太子重

宣帝三子朱皇后生靜帝王姬生業王衍皇甫姬生郢王術

隋文帝五男皆文獻后獨孤氏所生長房陵王勇次煬帝次秦孝王
俊次燕人秀次庶人諒

文帝立勇為皇太子軍國政事及尚書死罪已下皆令勇參決後
經冬至百官朝勇勇張樂受賀帝問朝臣近聞至節內外百官相
率朝東宮是何禮也太常少卿辛慶云東宮是禮不得言朝
帝曰改節稱賀正可三數十人逐情各去何因有司徵召一時普
集太子法服設樂以待之東宮如此殊乖禮制乃下詔曰皇太子
雖居上嗣義兼臣子而諸方岳牧正冬朝賀任土作貢別上東宮
事非典則宜悉停斷

煬帝五男蕭皇后生元德太子昭齊王暕蕭嬪生趙王杲
唐高祖二十子李寶德皇后生隱太子建成太宗皇帝衛懷王玄霸

刺王元吉萬貴妃生楚王智雲莫嬪生荆王元景孫嬪生漢王元昌
尹德妃生豐王元亨張氏生周王元方郭婕妤生徐王元禮宇文昭
儀生韓王元嘉魯王靈夔王才人生彭王元則張寶林生鄭王元懿
張美人生霍王元軌楊美人生號王鳳劉婕妤生道王元慶崔嬪生
鄧王元裕小楊嬪生舒王元名楊嬪生江王元祥魯才人生密王元
曉柳寶林生滕王元嬰

太宗十四子文德皇后生常山懿王承乾漢王泰高宗皇帝後宮生
楚王寬楊妃生吳王恪蜀王愔陰妃生齊王祐王氏生蔣王暉燕妃
生楚王貞江王囂韋妃生紀王慎後宮生代王簡楊妃生趙王福楊
氏生曹王明

高宗八子後宮劉氏生燕王忠鄭氏生原悼王孝楊氏生澤王金蕭
淑妃生許王素節武后生孝敬皇帝弘章懷太子賢中宗睿宗

中宗四子韋庶人生懿德太子重潤後宮生譙王重福節愍太子重
俊殤帝

睿宗六子蕭明皇后生讓皇帝憲宮人柳氏生惠莊太子攜昭成皇
后生玄宗崔孺人生惠文太子範王德妃生惠宣太子業後宮生隋
三隆佛

玄宗三子劉華妃生奉天皇帝琮靖恭太子琬儀王璿趙麗妃生
太子瑛元獻皇后生肅宗錢妃生棣王琰皇甫德儀生鄂王瑤劉才
人生光王琚武惠妃生懷恩王敏及壽王瑁盛宣王琦高傑仔生汴
哀王璿郭順儀生永王璘柳婕妤生延王玢鍾美人生濟王環盧美
人生信王瑝蘭才人生義王玘王美人生陳王珪陳才人生豐王珙

鄭才人生恒王瑒武賢儀生涼王璿沐哀王璿餘七子夫母氏失傳
肅宗十四子章敬皇后生代宗宮人孫氏生越王保張氏生承天皇帝
帝俊王氏生衛王泌陳婕妤生彭王儉韋妃生苑王備張美人生涇
王挺後宮生鄆王榮裴昭儀生襄王橫段婕妤生杞王倓崔妃生召

王偲張皇后生恭懿太子昭定王侗後宮生信

代宗二十子睿真皇后生德宗崔妃生昭靖太子選貞懿皇后生韓

王迥其均王遐睦王述丹王逾恩王連簡王邁益王廼隋王迅荆王

選蜀王遡忻王造韶王暹嘉王運端王遇循王通恭王通原王達雅

于逸凡十七王史亡其母之氏位

德宗十一子昭德皇后生順宗帝取昭靖太子子舒王誼為第二子

又取順宗子文敬太子諒為第六子餘通王諶慶王諱肅王祥資王

謙代王諱昭王誠欽王鄂珍王誠八王史亡其母氏之氏位

順宗二十七子莊憲皇后生憲宗及福王綰張昭訓生郟王經趙昭

儀生宋王結王昭儀生郇王總邵王約岳王緄其淑王縱莒王紆密

王稠集王緡冀王絳和王綺衡王絢珍王繕撫王紘桂王綸袁王紳

翼王綽鄭王緝欽王績凡二十王史亡其母之氏位

憲宗二十子紀美人生惠昭太子寧懿安皇后生穆宗孝明皇后生

宣宗後宮生漣王憚深王悰絳王悟建王恪鄜王憬瓊王悅沔王卍

務王懌茂王愔緇王協衡王愔澶王悅棣王惲彭王惕信王愔榮王

憤凡十七王史失其母之氏

穆宗五子恭僖皇后生敬宗貞獻皇后生文宗宣懿皇后生武宗後

宮生懷懿太子湊安王溶史失其母之號氏

敬宗五子郭妃生悼懷太子普後宮生陳王成美梁王休復襄王執

中紀王言揚史失其母之號氏

文宗二子王德妃生莊怡太子永後宮生蔣王宗儉

武宗五子杞王峻益王峴究王岐德王懌昌王嗟史並失其母之氏位

宣宗十一子昭太后生懿宗後宮生靖懷太子漢通王滋慶王沂濮

王澤鄂王潤懷王洽昭王汭康王汶廣王瀛衛王灌史失其母之氏位

懿宗八子惠安皇后生僖宗恭憲皇后生昭宗後宮生魏王侑涼王

侔蜀王佶威王侃吉王保恭哀太子倚史失其母之氏位

僖宗二子建王震益王陞史失其母之氏位

昭宗十七子積善皇后生德王裕及哀帝後宮生棣王初慶王禊沂王禋遂王禕景王祕祁王祺雅王禎瓊王祥瑞王禎豐王祁和王福登王禧嘉王祐穎王提蔡王祐史失其母之氏位

梁太祖八子末帝柳王友裕博王友文郢王友珪福王友璋賀王友雍建王友徽康王友敬史不言其母氏

後唐莊宗五子劉后生魏王繼岌繼漣繼高繼蟾繼峴史不言其母氏明宗六子昭懿皇后夏氏生秦王從榮愍帝宣憲皇后魏氏生潞王從珂淑妃王氏生許王從益從璟從璨史不言其母氏

廢帝二子重吉重美史不言其母氏晉高祖七子李皇后生楚王重信魏王重英壽王重義祁王重鑑王重進陳王重杲重睿史不言其母氏少帝二子延煦延寶史不言其母氏

五十九

天祿通考卷之五十七

十九

漢高祖三子魏王承訓隱帝陳王承勳史皆不言其母氏

周太祖三子養子世宗郊王侗祀王信史不言其母氏

世宗五子越王宗誼恭帝曹王宗讓紀王熙謹新王熙誨史不言其母氏

宋太祖皇帝四子賀皇后生留哥魏王德昭顯哥王皇后生岐王德芳太宗九子李皇后生楚王元俗及真宗其昭成太子元僖陳王元份

安王元傑密王元傑曹王元偁鎮王元儼代國公元億史不詳其母氏至道元年詔立皇太子令有司草具冊禮以翰林學士承旨宋白為

冊皇太子禮儀使有司言按前代無太子執圭之文按周禮公儀執桓圭公即三恪之後乃上公也晉制太子出會在三恪之下三公之

上請如玉公之制執桓圭餘如舊制從之九月丁卯太宗御朝元殿陳如元會之儀皇太子自東宮常服乘馬赴朝元門外帷次改服遠

遊冠朱明衣三師三少導從入殿門受冊寶太尉率百官奉賀皇太

子易服乘馬還宮百官常服詣宮參賀樞密使內職諸王宗室師保
賓客宮臣等畢集皆序班於宮門之外庶子版奏外傳內臣褰簾皇
太子常服出次就坐諸王宗室參賀再拜訖垂簾皇太子降坐還次
中書門下文武百官樞密使內職師賓客而下以次參賀皆降階各
拜訖升坐受文武百官臣三品以下參賀庚午具鹵部謁太廟五室常
服乘馬出東華門升輅先是有司言唐禮宮臣參賀皇太子皆舞蹈
開元始罷其禮故事百官及東宮官接見祇呼皇太子上牋啓稱皇
太子殿下百官自稱名宮官自稱臣常所行用左春坊印宮內行令
又按唐制凡東宮處分論事之書皇太子並書諾今左右庶子以下
署姓名宣奉行書其與親友師傅等書不用此制今請如開元之制
宮臣止稱名不行舞蹈之禮伏緣皇太子兼判開封府其所上表狀
即署太子之位其當申中書樞密院狀祇判官署餘斷按及處分公
事並書諾詔爲准餘皆從之又言百官見皇太子自兩省五品尚書

六百五十一
大宋通志卷之三十七
三

省御史臺四品諸司三品以上皆各拜餘悉受拜宮臣自左右庶子
以下悉用參見之儀其皇太子宴會位在王公之上奏可有司草具
皇太子受冊畢朝皇后儀詔止用宮中常禮十月皇太子言臣自受
冊以來逮茲累日每見寮屬率皆稱臣况至尊無二上之文事主有
比肩之義在臣之懇實所不違望許仍舊名許之真宗天禧二年八
月丁卯冊爲皇太子並如至道之儀冊用珉玉如乘輿之制而差損
降其押輿用金塗銀平釵承以髹漆小案飾以衣繡凡飾用龍者皆
以螭鳳天禧四年閏十二月左僕射兼太子少師平章事丁謂言臣
與兼少保賓客至資善堂許皇太子不答拜詔不允
真宗六子郭皇后生周王玄祐章懿李皇后生仁宗四子早亡史不
詳其母氏

仁宗三子俞才人生襄王昉苗昭儀生豫王昕宋才人生鄂王曦皆
早亡英宗以濮安懿王之子立爲皇子入繼大統

英宗四子長神宗次吳王顥澗王顥益王顥皆宣仁高皇后所生
神宗十四子欽成朱皇后生哲宗楚榮憲王似欽慈陳皇后生徽宗
宋夫人生成王侑邢賢妃生惠王僅冀冲孝王侗徐冲惠王侗宋婕
妤生唐哀獻王後向夫人生褒王伸邢婉儀生豫悼惠王价武賢妃
生吳榮穆王必郭夫人生儀王偉林賢妃生燕王俱越王德

徽宗二十子顯恭王皇后生欽宗顯仁章皇后生高宗明達劉皇
后生濟陽郡王棫祁王模信王榛明節劉皇后生建安郡王模嘉國
公倚英國公榘諸姬生充冲僖王榘鄆王楷荆悼敏王楫肅王樞景
王杞濟王栩冲穆王材莘王植華原郡王朴徐王棣沂王楞鄆冲
懿王拱和王棫漢冲昭王椿安康郡王握廣平郡王捷陳悼惠王機
相國公榘瀛國公榘温國公陳儀國公桐昌國公柄澗國公榘

欽宗二子仁懷朱皇后生太子諶少子訓北地所生終於五國城
高宗一子潘賢妃生元懿太子粦早亡孝宗以秀安僖王之子立為

皇太子入繼大統

孝宗四子莊文太子愔魏惠憲王愷光宗邵悼肅王恪皆成穆郭皇
后所生

初紹興崇建皇儲詔有司備禮冊命然在欽宗恤制未及製樂乾道
初元詔啓震宮命禮部太常寺討舊典以聞受冊日陳黃麾仗于大
慶殿設宮架樂于殿庭皇帝陞降御座作乾安之樂并用黃鍾宮降
用蕤賓宮皇太子入殿門作明安之樂受冊出殿門亦如之皆用應
鍾宮至七年易應鍾而奏以姑洗古者太子生則太師吹管以度其
聲觀所協之律有虞典樂教胄子自天子之元子皆以樂為教所以
養其情性之正蕩滌邪氣消融渣滓而和順於道德則陳金石雅奏
以重元良冊拜且徹古誼式昭盛禮繇唐季世儲貳罕定國家亦多
故而禮廢樂缺皇朝建隆定樂雖詔皇太子出入奏良安至道始冊
皇太子有司言太子受冊宜奏正安之樂舉行百年曠典中外皆悅

至天禧冊命禮儀院復奏改正安為明安之樂乾道之用明安實相
述天禧而沾洗為宮則唐東宮軒垂奏樂舊貫云

光宗二子節使挺及寧宗皆慈懿李皇后所生

寧宗九子長子未名而夫莫詳母氏恭淑韓皇后生亮王垓邠王坦

邛王增華王垺鍾夫人生順王圻申王塢其肅王垺邛王坻史不言

其母氏九王俱早夫景獻太子詢以燕懿王後立為太子薨於東宮

理宗以沂靖惠王後立為皇子入繼大統

文獻通考卷之二百五十七終

中百七十一

文獻通考卷三百五十七

三十二

此處有極重之污損，文字完全不可辨認。

此處有極重之污損，文字完全不可辨認。

此處有極重之污損，文字完全不可辨認。

此處有極重之污損，文字完全不可辨認。

文獻通攷卷之二百五十八

鄱陽馬端臨 貴與著

帝系攷

公主

唐堯二女長曰娥皇次曰女英以妻舜

孟子舜尚見帝帝館甥于貳室亦饗舜迭為賓主尚上也舜上而見於帝堯也貳

室副宮也堯舍舜於副宮而就饗其食堯之於舜使其子九男事之二女女焉百

官牛羊倉廩備以養舜於畎畝之中

商帝之歸妹以祉元吉

周武在元女大姬配虞胡公而封之陳以備三恪

詩何彼穠矣美王姬雖則王姬亦下嫁於諸侯車服不係其夫下

王后一等猶執婦道以成肅雝之德也下王后一等謂車服則禴翟五輅重翟為上厭翟次之六服帶衣為上禴翟次之天子尊無二

上故其女可下王后一等若諸侯之女下嫁則從其夫之爵何休

云天子嫁女於諸侯備婦如諸侯禮皇南謚云武王五男二女元女妻胡公王姬宜為媵今何得適齊侯之子何休事未可據也

何彼穠矣唐棣之華曷不肅雝王姬之車禮儀戎我衣厚貌唐棣

嫁於諸侯車服之盛如此而不敢於貴以驕其夫故其見車者知其能敬與和肅雝者王姬而曰王姬之車不敢指切之也唐棣之

華華如桃李皆言王姬容色之盛美也何彼穠矣華如桃李平王之孫齊侯之子武

子平王之孫言侯子王孫宜為偶如合絲為綸其鈞維何維絲伊緡齊侯之

魯莊公元年秋築王姬之館于外

左氏傳為外禮公在許聞慮齊侯當親迎不忍便以禮接於朝又

生魯不能離齊然後制未公羊傳何以書譏爾築之禮也于外

非禮也以言外知有築內之道也于外非禮也禮同姓本有主嫁

故築于外于外何以非禮據非築于外非禮也于遠辭也為營衛

離國除議也魯本自得以離為其築之何以禮據禮當主王姬者

辭無為受命而外之故曰非禮必為之改築主王姬者曷為必為之改築據諸侯

官非一於路寢則不可

小寢則嫌皆所以群公子之舍謂女舍則以卑矣謂太甲也其道必為

之改築者也以上傳言爾之當築夫之穀梁傳築禮也于外非禮

也外也築之為禮何也主王姬者必曰公門出公門朝之外門主

筵于宗廟以侯迎者故在於廟則已卑於寢則已卑為之築即築

之外變之正也築之外變之為正何也仇讎之人非所以接婚姻

也衰麻非所以接弁冕也親迎服祭服重婚其不言齊侯之來逆

禮也不使齊侯得與吾為禮也

初學記昔堯女有娥皇女英舜妹有敦手舜女有宵明燭光易

有帝之歸妹周武王之女嫁于使並未有封邑之號至周中葉

天子嫁女子諸侯天子至尊不白主婚必使諸侯同姓者主之

始謂之公主秦代因之亦曰公主漢制帝女為公主帝姊妹為

長公主漢制皇女皆封縣公主儀服同藩王

秦二世時十公主死於杜皆始堯

漢制皇女皆稱縣公主謂曰天子不親主婚故謂之公主諸儀服

同列侯其尊崇者加號長公主儀服同藩王諸王女皆封鄉亭翁主

儀服同鄉亭侯漢書謂齊厲王姊為紀翁以列侯尚公主王吉日漢

公主諸侯則國之承翁主使男事女諸公主家令門尉皆屬宗正又

有王傳東方朔傳昭平君醉殺中府東方朔傳館陶公主中府

太上皇女昭哀后昭哀后高帝姊初封宜夫人呂

高祖一女

魯元公主宣平侯張敖尚之孝惠時

文帝二女

館陶長公主實后生女文帝即位為館陶長公主師古曰年

公主周勃太子勝之

景帝三女

平陽公主

王皇后長女本陽信長公主也為平陽侯曹壽所尚漢

南宮公主

王皇后次女

隆慮公主

王皇后少女並見王皇后傳

武帝五女

鄂邑蓋長公主

昭帝姊燕刺王傳云食邑鄂而為蓋侯妻也張晏云蓋侯王信師古曰信不取鄂主為妻當是信子

須侯克耳

夷安公主

隆慮公主子昭平君尚見東方朔傳

衛長公主

外戚傳云子夫生三女長主衛太子姊也帝以妻栾大見郊祀志

諸邑公主

五行志征和二年巫蠱事與帝女諸邑公主陽石公主皆下獄死

陽石公主

見上又武紀注云公主皆衛皇后女

宣帝二女

館陶公主

華婕妤女名施于定國子于永尚

敬武公主

張臨尚元帝令臨尚後王莽白太后賜死見宣傳

元帝三女

平陽公主

傳昭儀女

平陽公主

衛婕妤女見中山衛姬傳

穎邑公主

杜業尚

西漢和蕃公主

高帝罷平城歸是時冒頓單于兵疆控弦四十萬騎數苦地邊上患之以問婁敬敬曰陛下誠能以適長公主妻單于厚奉遺之彼知漢女送厚蠻夷必慕以為閼氏生子必為太子代單于冒頓在固為子婿死外孫為單于豈曾聞外孫敢與大父抗禮哉可毋戰以漸臣也若陛下不能遣長公主而令宗室及後宮詐稱公主彼亦不肯貴近無益也高帝曰善遣長公主呂后泣曰妾唯一太子一女奈何棄之匈奴上竟不能遣長公主而取家人子為公主妻單于使敬往結和親約婁敬傳

孝惠二年以宗室女為公主嫁匈奴單于本紀

匈奴老上單于初立文帝復遣宗人女翁主為單于闕氏使宦者中行說傳翁主匈奴傳

孝景五年遣公主嫁匈奴單于本紀

孝武元封中烏孫昆莫使使獻馬願得尚漢公主為昆弟天子問群

臣議許曰必先納聘然後遣女烏孫以馬千匹聘漢遣江都王建女

細君為公主以妻焉賜乘輿服御物為備官屬宦官侍御數百人贈

送甚盛昆莫以為右夫人昆莫年老欲使其孫尚公主公主不聽上

書言狀天子報從其國俗岑陬遂妻公主生一女少夫公主死漢復

以楚王戊之孫解憂為公主妻岑陬西域傳

甘露三年楚公主上書言年老思土願得歸骸骨葬漢地天子聞而

迎之公主與烏孫男女三人俱來至京師時年且七十賜田宅奴婢

奉養甚厚朝見儀比公主西域傳

元帝竟寧元年匈奴呼韓邪單于復入朝自言願婿漢氏以自親帝

以後宮良家子王嬃字昭君賜單于單于驩喜昭君寧胡閼氏生一

男呼韓邪死株象單于復妻王昭君生二女長女為湏卜居次小女

為當子居次居次者女之號若漢言公主也見匈奴傳

後漢制同前漢其後安帝姊妹亦封之長公主同之皇女安帝姊妹

之其皇女封公主者所生之子襲母封為列侯皆傳國于後鄉亭之

封則不可傳襲宋初元年鄧太后封清河孝王慶女十一人皆為鄉公主分食邑俸

諸公主置家令一人東觀書曰其主薨無子置傳一人守其家

南頓君三女

湖陽長公主黃

新野公主元適鄧晨

寧平長公主伯姬適李通

世祖五女

舞陽長公主義王適梁松

涅陽長公主中禮適竇固

館陶公主紅天適韓光

滴陽公主禮劉適郭璜

鄠邑公主綬一作綬適陰豐

顯宗十一女

獲嘉長公主姬適馮柱

平陽公主奴適馮順

隆慮公主迎或作延適景襄

平氏公主次不言所適史

沁水公主致適鄧軋

平阜公主小姬適鄧蕃

浚儀公主適王度

卷二百五十一

武平長公主惠適來校

魯陽公主臣

樂平公主小迎

成安公主小民

肅宗三女

武德長公主男

平邑公主王適馮由

陰安公主吉

和帝四女

脩武長公主保

共邑公主成

臨潁公主適賈建

聞喜公主興

順帝三女

舞陽長公主生

冠靈長公主成男

汝陽長公主廣

栢帝三女

陽安長公主華延適伏全

潁隈長公主堅

陽翟長公主脩

靈帝一女

萬年公主某

魏制公主有家人僕丞行夜督郵

太祖女

清河長公主適夏侯楙

百六十一

金鄉公主適何晏

文帝女

東鄉公主

明帝女

平原懿公主

早失追封帝取甄皇后從孫黃之喪與主合葬追封黃列侯以郭德嗣黃後封平原侯襲公主爵

齊長公主適李韶

公主適任愷

晉文帝女

常山公主適王濟

長廣公主適甄德

京兆公主

武帝女

滎陽公主適盧諶

繁昌公主適衛宣

襄城公主適王敦

滎陽公主適盧恒

平陽公主

新豐公主

平陽公主

萬年公主

武安公主

惠帝女

臨海公主適曹統

河東公主

始平公主

哀獻皇女

元帝女

尋陽公主適王禧之

公主適荀羨

明帝女

南康公主適栢温

南郡公主適羊賁

廬陵公主適劉惔

簡文帝女

孝武帝女

新安公主適王獻之

晉陵公主適謝混

恭帝女

鄱陽公主適王偃

海鹽公主

富陽公主

宋公主有傳令傳令不得朱服

武帝女

會稽宣長公主適徐逵之

宣城德公主適周嶠

豫康長公主適徐喬

吳興公主適王偃

新安公主適王景深

安哀公主適褚湛之

義興長公主

吳郡公主

文帝女

東陽獻公主適王僧綽

淮陽公主適江湛

新蔡長公主適何邁

尋陽公主適郝暉

臨川長公主英媛適王藻

南郡獻公主適褚淵

廬江公主適褚澄

孝武女

山陰公主適何戢

臨海公主適江革

安固公主適王志

臨汝公主適何敦

安吉公主適蔡約

山陰公主楚玉

唐樂公主適明

皇女楚琇

明帝女

陽羨公主適王儉

臨淮公主適王瑩

晉陵公主伯奴

建安長公主伯媛

五百

宋世諸主莫不嚴妬明帝每疾之湖熟令求惱妻以妬賜死使近臣虞通之撰妬婦記左光祿大夫江湛孫敦當尚孝武帝女上乃

使人為教作表讓婚曰伏承詔旨當以臨海公主降嬪榮出望表

恩加典外顧審輜蔽伏用憂惶臣寒門忝族人允質陋閭閻有對

本隔天姻如臣素流家貧業寡年近將冠皆已有室荆釵布裙足

得成禮每不自解無偶迄茲媒訪莫尋素族弗問自惟門慶屢降

公主天恩所覃庸及醜末懷憂抱慚不獲徵命所當果膺茲

舉雖門忝宗榮於臣非倖仰緣聖貸冒陳愚實自晉氏以來配尚

王姬者雖累經美胃極有名才至如王敦懾氣相溫歛威真長伴

愚以求免子敬炙足以遠禍王偃無仲都之質而保雪於此階何

瑀闕龍工之姿而投軀於深井謝莊殆自害於矇叟毅仲幾不免

於強鉏彼數人者非無才意而勢屈於崇貴事隔於聞覽吞悲茹

氣無所逃訴制勒甚於僕隸防閑過於婢妾行來出入人理之常

當代賓客朋從之義而今掃轍息駕無闔門之期廢筵抽席絕接

對之理非惟交友離異乃亦兄弟踈闊第令受酒肉之賜制以動

靜監子待錢帛之私節其言笑姆姊爭媚相勸以嚴至媼競前祖
詔以急第令必允庸下才監子皆諂萌愚豎議舉止則夫閑是非
聽言語則謬於虛實姆姊敢恃耆舊唯贊妬忌尼媼白唱多知務
檢口舌其間又有應答問訊卜筮師母乃至殘餘飲食詰辯與誰
衣被故弊必責頭領又出入之宜繁省難哀或進不獲前或入不
聽出不入則嫌於欲踈求出則疑有別意召必以三晡爲期遣必
以日出爲限夕不見晚魄朝不識曙星至於夜步月而弄琴畫拱
袂而披卷一生之內與此長垂又聲影裁聞少婢奔迸裾袂向席
則醜老叢來左右整啟以疑寵見嫌賓客未冠以少容致斥禮有
列媵象有貫魚本無媢嫡之嫌豈有軋婦之請今義絕傍私虔恭
正匹而每事必言無儀適設驛輒云輕易我又竊聞諸主聚集唯
論夫族緩不足爲急者法急則可爲緩者師更相扇誘本其怙意
不可貸借固實常辭或云野敗去或云人笑我雖曰家事有甚王
憲發口所言怕同科律王藻雖復彊佞頗經學涉戲笑之事遂爲
寃魄楮曉憂憤用致天絕傷理害義難以具聞夫螽斯之德實免
克昌專妬之行有妨繫衍是以尚主之門往往絕嗣駙馬之身通
離鬻谷以臣九弱何以克堪必將毀族淪門豈伊身嘗前後嬰此
其人雖衆然皆患彰遐邇事隔天朝故吞言咽理無敢論訴臣幸
屬聖明矜照由道弘物以典處親以公臣之鄙懷可得自盡如臣
門分世荷殊榮足守前基便預提拂清官顯位或由才升一切婚
戚咸成恩假是以仰冒非宜披露丹實非唯止陳一己規全身願
寔乃廣申諸門受患之切伏願天慈照察特賜蠲停使崔燕微群
得保叢尉蠹物憐生自己彌篤苦恩詔難降披請不申便當刊膚
剪髮投山竄海帝以此表遍示諸主以諷切之并爲戲笑

按自王姬執婦道之風不見於後世後之公主皆庸奴其夫
晉人已有無事取官府之說至六朝而其敝尤甚南史王誕

傳載辭婚表雖戲笑之言然亦當時事實也故錄于此

齊梁陳皆踵宋制

齊高帝女

義興獻公主適沈文和 臨海長公主適王彬

武帝女

武康公主適徐演 長城公主適何敬容

明帝女

山陰公主適徐況 錢塘公主適謝覽

梁武帝女

安吉公主適王寶 長城公主適柳偃

永嘉公主適王銓 永興公主王姚

永世公主王婉 永康公主王媛

臨安公主

簡文帝女

餘姚公主適王溥 南河公主適袁憲

溧陽公主

元帝女

益昌公主

陳武帝女

永嗣公主適錢藏 帝即位時主已卒追封至是特葬尚書請議加

諸侯漢氏初列後尚主自斯以後降嬪素族射馬都尉置由漢武
或以假諸切臣或以加於戚屬是以魏曹植表射馬都尉取為一
請齊職儀曰九尚公主必拜駙馬都尉魏晉以來因循購準蓋以
王姬之重無姓之輕若不其等級寧可合悉而醋所以何須
之位乃宗於皇女也今公主早薨伉儷已絕既無禮數致疑何須
馬之授按杜頴尚晉宣帝第二女晉武踐作而主已已未始中
贈公主元凱無復駙馬之號梁文帝女新安穆公主蚤薨天監初
王氏無違拜之事遠近二例足以校明無勞此授今宜追贈亭侯
時議必
為當

會稽穆公主適沈君環

文帝女

信女公主適來凝

義興公主適錢肅

富陽公主適柳盼

後魏公主有家令丞

道武曾引佳容講論漢書至婁敬說漢祖欲以魯元公主妻匈奴善之嗟嘆良久是以諸公主皆嫁于賓附之國朝臣子弟良族美彥不得尚焉

平陽公主薨石肇欲使公主家令居廬制服太常博士常景曰今王姬降適雖加爵命事非君邑理異列土何者諸王開國備立臣吏生有趨奉之勤死盡致喪之禮而公主家令唯有一人其丞以下命之屬官既無接事之儀實闕為臣之體原夫公主之貴所以立家令者蓋以主之內事脫須關外理無自達必也因人然則家令唯通內外之職及典主家之事耳無關君臣之理名義之分也由是推之家令不得為純臣公主不可為正君明矣且女人之為君男子之為臣古禮所不載先朝所未議乃寢

道武女

華陰公主適閻大肥

灌澤公主

明元女

宜陽公主適穆逐留

武威公主適沮渠蒙捷

上谷公主適乙懷

南安長公主適杜超

太武女

樂陵公主適穆壽

始平公主適赫連昌

博陵長公主適馮熙

景穆女

城陽公主適穆平國

長樂公主適穆正國

安樂公主適乙乾歸

高陽公主適萬振

文成女公主適乙瑗

濟北公主適穆休干

河南公主適萬安國

上左公主適赫連宿石

西河長公主適薛初古梭

武邑公主建興公主平陽長公主並適劉昶

新平長公主適穆羆

中山長公主適穆亮

獻文女

長城公主適穆真

瑯琊公主適穆紹

常山公主適陸騰

趙郡公主適司馬躍

高平公主適高肇

樂安長公主適馮誕

彭城長公主初適劉承緒再適王肅

樂浪長公主適盧道裕

孝文女

淮陽公主適乙瑗

華陽公主適司馬肱

三十一

文獻通考卷之二百五十八

十二

長樂公主適高猛

安樂公主

始平公主

淮王長公主適乙弗瑗

章武長公主適穆泰

蘭陵長公主適劉暉

南陽長公主適蕭寶寅

濟南長公主適盧道虔

順陽長公主適馮穆

宣武女

建德公主適蕭烈

壽陽長公主適蕭贊

文帝女

金明公主適尉遲廻

北齊後周隋公主官屬皆如後魏制

齊神武女

太原長公主初為魏孝靜皇帝后後再適楊愔

東平長公主適可朱道元

公主適司馬消難

浮陽長公主適李千學

文宣女

東安公主適段深

中山長公主適段寶鼎

周文帝女

霍國公主適賀拔綽

襄陽公主適竇毅

順陽公主適隋滕穆王楊瓚

西河長公主適劉昶

武帝女

清都公主適閻毗

隋文帝女

樂平公主為周天元帝后

煬帝女

南陽公主適宇文士及

後魏以來和蕃公主

魏太武女

公主適氏主楊保宗

光化公主適吐谷渾世伏

廣樂公主適吐谷渾夸呂

西海公主適蠕蠕主郁久間吳提

化政公主

蘭陵公主並適蠕蠕主郁久間阿那懷

長樂公主適突厥主阿史那土門

周千金公主

適突厥主阿史那他鉢

隋華容公主適高昌王伯雅

義安公主

義成公主

適突厥可汗啓民

史稱魏道武採婁敬之說諸公主皆嫁于賓附之國朝

中字三百七

文獻通考卷之二百五十八

十一

族子弟皆不得尚蓋閭大肥楊保宗之屬皆夷狄也似不必
分別為和蕃公主然閭大肥輩則部落之服屬而為臣者也
楊保宗輩則外國之未服屬而為敵者也又國內之胡人所娶

皆帝女而外國之君長所娶多宗女此又其所以不同也

唐制皇姑為大長公主後亦謂之長公主姊為長公主女為公主皆封國視

正一品太子女為郡主封郡視從一品親王女為縣主正二品建中

十二月出嫁岳陽等十一縣主初開元中置禮會院于崇仁里自與

兵已來廢而不備公郡縣主不時降嫁殆三十年凡皇族子弟皆散

棄無位或流落他縣上即位始叙用枝屬以時婚嫁公族老幼莫不

悲感及縣主將嫁小大之物必周其用○貞元十五年勅今後先降嫁

公主如實無子准式養男並不得用母蔭○會昌五年勅今後先降嫁

分而有妾稱無輒請允諸王及公主皆以親為尊皇之昆弟妹先拜

於皇子上稱啓神龍初下詔革之二年勅公主府設官屬鎮國太

平公主儀比親王長寧寧唯不置長史餘普親王宜城新都定安金城

等公主非皇后生官負減半其金城公主以出降吐蕃特置司馬景

龍四年停公主府依舊邑司永淳前親王食實戶八百增至千轉止

十聖曆時進及三千戶預誅二張功增號鎮國與相王均封五千薛

武二家皆食實封主與相王衛王成王長寧樂安二公主給衛士環

第十步一區持兵河衛備省官省神龍時與長寧安樂宜城新都定

安金城凡七公主皆開府置官屬視親王安樂戶至三千長寧二千

五百府不置長史宜城定唐隆元年六月勅公主置府近有勅總停

其太平公主有崇保社稷功其鎮國太平公主府即宜依舊酸棗縣

客奏記於中書令魏元忠曰女有內男有外男女有別剛柔分矣中

外斯隔陰陽著矣豈可相濫哉然而幕府者大夫之職非婦人之事

今諸公主並開建府僚崇置官秩若以女家處男職所謂長陰而

陽也而望陰陽不德風雨無爽其可乎竊謂非致遠之計垂久安之

策書曰事不師古以克求世匪說攸開元四年三月制諸封國自始

封至曾孫者其封戶亦減十年加永穆公主封千戶初永穆等各封

為太薄上曰夫百姓租賦者非吾有也斯皆宗廟社稷養生是為爾

邊鳴戰士出萬死不顧一生所賞賜纔不過一二疋此輩何功於

人頓食厚封紉之使不顧一儉嗇不亦可乎左右以長公皆二千疋請

比上曰吾常讀後漢書見明帝曰朕子不敢望先帝子車服下之

未嘗不廢卷歎息如何欲令此輩望長公主乎左右不敢復言允

是至公主等車服不給故加焉自後公主皆封千戶遂成其列允

王及公主以下所食封邑皆以課戶充州縣與國官邑官共執文

准其戶數其租調均為三分其一入官其二入國公所食邑則全給焉二十年五月初諸食邑實封並以三丁為限不須一分入官其物仍令封隨庸調送入京。凡公主封有以國名者鄖國代國霍國是也有以郡名者平陽宣陽東陽益有以美名者太平安樂長寧是也惟玄宗之女皆以美名名之

世祖一女

同安公主適王裕

高祖十九女

長河公主適馮少師

襄陽公主適竇誕

平陽昭公主適柴紹主及柴紹起兵佐高祖取長安武德六年柴紹加前後部羽葆鼓吹大路麾幢虎賁甲卒參位命于右有耶宜用之

高密公主初適長孫孝政再適段倫

長廣公主適趙慈景 長河公主適豆盧懷讓

二百八十九

文獻通考卷之二百五十八

十五

房陵公主初適竇奉節再適賀蘭僧伽

九江公主適執失思力 廬江公主適喬師望

南昌公主適蘇昂 安平公主適楊思敬

淮南公主適封道言 貞定公主適崔恭禮

衡陽公主適阿史那杜忒 丹陽公主適薛萬徹

臨海公主適裴師律 館陶公主適崔宣慶

安定公主初適温挺再適鄭敬言

常樂公主適趙瓌

太宗二十女

襄城公主初適蕭銳再適姜簡主性孝睦動循矩法帝勅諸公主親為法有司告管別第曰婦事

勇姑如事父母異宮則定於闕止葺故第門列女職而已

南平公主初適王敬直再適劉玄意敬直王睦之子先時公主下嫁未嘗行見舅姑禮曰王

夫人盛堂上主執筵盤饋乃退後主出降有舅姑者備禮始於

遂安公主初適竇遼再適王大禮

豫章公主適唐義識

長樂公主適長孫冲

帝以主長孫后所生勅有司裝資倍長公主

北景公主適柴令武

東陽公主適高履行

清河公主適程懷亮

晉陽公主初適常思安再適楊仁輅

安康公主適獨孤謹

城陽公主初適杜荷再適薛瓘

合浦公主適房遺愛

金山公主蚤卒

常山公主蚤卒

高宗三女

義陽公主適權毅

太平公主初適薛紹再適武攸暨

中宗八女

新都公主適武延暉

安定公主初適王同皎再適李隆基

長寧公主初適楊慎交再適蘇彥伯

永壽公主適常鍼

安樂公主初適武崇訓再適武延秀

成安公主適常捷

睿宗十一女

壽昌公主適崔真

荆山公主適薛伯陽

安興昭懷公主蚤卒

淮山公主適王城慶

帝曰昔漢明帝封諸王言朕子安得同先
徵勸帝從之仍賞徵

普安公主適史仁表

臨川公主適周道務

蘭陵公主適竇懷哲

新興公主適長孫儼

汝南公主蚤卒

晉陽公主蚤卒

新城公主初適長孫詮再適常正矩

高安公主適王昺

宜城公主適裴巽

高宗三女

太平公主初適薛紹再適武攸暨

中宗八女

新都公主適武延暉

安定公主初適王同皎再適李隆基

長寧公主初適楊慎交再適蘇彥伯

永壽公主適常鍼

安樂公主初適武崇訓再適武延秀

成安公主適常捷

睿宗十一女

壽昌公主適崔真

荆山公主適薛伯陽

安興昭懷公主蚤卒

淮山公主適王城慶

代國公主適鄭萬鈞

涼國公主適薛伯陽

薛國公主初適王守一再適裴巽

鄜國公主初適薛傲再適鄭孝義

金仙公主 玉真公主皆入道不嫁

霍邑公主適裴虛己

玄宗二十九女

永穆公主適王繇

常芬公主適張去奢

孝昌公主 靈昌公主

上仙公主

懷思公主

普康公主 宜春公主

並蚤卒

唐昌公主適薛鏞

常山公主初適薛譚再適竇澤

萬安公主不嫁為道士

晉國公主適崔惠童

新昌公主適蕭衡

臨晉公主適郭潛曜

衛國公主初適豆盧建再適楊說

仲字三百八十一

文獻通考卷之二百五十八

十七

信成公主適獨孤明

直陽公主初適源清再適蘇震

楚國公主適吳澄江

昌樂公主適竇譚

永寧公主適裴齊丘

宋國公主初適溫西華再適楊徽

咸宜公主初適楊泗再適崔高

齊國公主初適張垵再適裴穎三適楊敷

太華公主適楊琦

廣寧公主初適程昌胤再適蘇克真

壽昌公主適郭液

萬春公主初適楊肱再適楊錡

樂城公主適蘇履謙

新平公主初適裴珍再適姜慶初

壽安公主適蘇發

肅宗七女

宿國公主適豆盧湛

肅國公主初適鄭巽再適薛康衡三適回紇英武威遠可汗

和政公主適柳潭

郊國公主適張清

紀國公主適鄭沛

永和公主適王診

邵國公主初適裴徽再適蕭升

代宗十八女

永清公主適裴倣

齊國昭懿公主適郭曖

靈仙公主 真定公主

玉清公主 太和公主

玉虛公主 西平公主

章寧公主

華陽公主入道不嫁

嘉豐公主適高怡

普寧公主適吳士廣

長林公主適沈明真

不設樂遂為故事

晉陽公主適裴液

趙國莊懿公主初適封武清再適田緒

德宗幸望春亭臨餞厭翟不可乘以金根車代之公

主出降乘金根車自主始

義清公主適柳杲

壽昌公主適竇克良

新都公主適田華

德宗十一女

中三十四十七

韓國貞穆公主 普寧公主

義川公主

晉平公主

魏國憲穆公主適王士平

鄭國莊穆公主適張茂宗

臨真公主適薛劄

永陽公主適崔謹

文安公主入道不嫁

宜都公主適柳昱

燕國襄穆公主適回紇武義成功可汗

順宗十一女

漢陽公主適郭銚

梁國恭靖公主適鄭何

東陽公主適崔杞

西河公主適沈翬

雲安公主適劉士涇

襄王公主適張克禮

尋陽公主 平恩公主

邵陽公主

臨汝公主

蚤卒

魏國公主適王承系

憲宗十八女

梁國貞康公主適于季友

永嘉公主

永寧公主

俱為道士

衡陽公主 普康公主 義寧公主 貴卿公主 俱蚤卒

宣城公主 適沈儀 鄭國温儀公主 適韋讓

岐陽莊淑公主 適杜侗 開成二年勅駙馬嘗為公主服三年頗乖
公主既薨駙馬杜侗因禮文不
為重服時論推美故有是詔
自此準禮夫妻齊服縗杖周時岐陽

為重服時論推美故有是詔

陳留公主 適裴損 真寧公主 適薛翊

南康公主 適沈汾 臨真公主 適衛洙

真源公主 適杜中立 永順公主 適劉弘景

安平公主 適劉異 永安公主 入道不嫁

定安公主 適田鵬 崇德可汗

穆宗八女

義豐公主 適韋履仁 會昌五年中書門下奏伏見公主上表稱妾
李者伏以臣妾之義取其賤稱家人之禮宜
即區別臣等商量公主上表請如長公主之例並云某邑公主第
幾女上表郡縣主亦望依此例從之

淮陽公主 適柳正元 延安公主 適竇滸

金堂公主 適郭仲恭 清源公主 蚤卒

饒陽公主 適柳仲詞 義昌公主 安康公主 俱不嫁
為道士

敬宗三女 永興公主 天長公主 寧國公主

文宗四女 興唐公主 西平公主 朗寧公主 化光公主

武宗七女 昌樂公主 壽春公主 長寧公主 延慶公主

靜樂公主 樂温公主 永清公主

宣宗十一女 萬壽公主 適鄭顯 永福公主

齊國恭懷公主 適嚴祁 廣德公主 適于琮

義和公主 饒安公主 盛唐公主 平原公主

中宗三女 文獻通考卷之二百五十一 十九

小字一百四十五

宣宗十一女

萬壽公主 適鄭顯

齊國恭懷公主 適嚴祁

義和公主 饒安公主 盛唐公主 平原公主

唐陽公主

許昌公主適柳陟

豐陽公主

懿宗八女

衛國文懿公主適韋保衡

安化公主

普康公主

昌元公主

昌寧公主

金華公主

仁壽公主

永壽公主

僖宗二女

唐興公主

永平公主

昭宗十一女

新安公主

平原公主適李繼侃

益昌公主

唐興公主

德清公主

大康公主

永明公主

新興公主

普安公主

樂平公主

開元禮冊公主及公主出降儀

冊公主

唐字四百六十一

文獻通考卷之二百五十八

二十

前一日尚書奉御設御幄於太極殿如常牛宮設群官次於東西朝堂奉禮設版位太樂令展宮懸典儀設舉麾位如常又設文武群官版位五品以上於橫街北六品以下於橫街南文東武西俱重行諸親於五品之南皇親在東諸親在西設典儀位如常儀贊者二人在南少退俱西向冊使立於懸北西上俱北面冊使立於太極東少退以後準此其日諸衛屯門列仗如常冊使群官等依時刻集朝堂次改服朝服通事舍人各引就朝堂位侍中量時刻版奏請中嚴鈸戟近仗入陳於殿庭太樂令帥工人入就位協律郎入就舉麾位典儀帥贊者先入就位諸守衛之官各服其器服符寶郎先請寶俱詣閣奉迎通事舍人分引王公群官入就位又通事舍人引冊使並入立於殿門外道東西面以俟黃門侍郎帥主節奉節及幡立於階仗南節在前中書侍郎先請冊置於案令史降公服各對舉案立於節南道東西面中書侍郎立於後侍中版奏外新所由承旨索扇扇上皇帝服通天冠絳紗袍御

輿以出曲直華蓋警蹕侍衛如常皇帝出自西房即御座南向坐
開協律郎偃麾戛鼓樂作符寶即奉寶置於御座典儀贊拜群官在
位者俱再拜訖通事舍人引冊使入就位冊使等初入門舒和之樂
作至位樂止立定典儀曰再拜贊者承傳冊使等皆再拜侍中進當
御座前北面跪奏稱侍中臣某言冊公主請命使俛伏興又侍中少
前稱制曰可退復位侍中承制降諸使者北面稱有制冊使副等俱
再拜侍中宣制曰冊某公主命公等持節展禮宣制訖使副等又再
拜侍中還侍位贊禮者引冊使少前黃門侍郎引主節詣冊使東北
主節以節授黃門侍郎主節者後黃門侍郎持節西南授冊使跪受
興付主節幡隨節立於使左黃門侍郎退贊禮者導中書令詣冊使
東北面立又贊禮者導中書侍郎引諸公主冊案立於中書令之右
中書令於案取公主冊舉案者皆由後立授冊使冊使跪受興置於
案持案者退立於贊禮者引中書令與冊使俱向北退復位典儀曰
再拜訖通事舍人引冊使等右旋而出持節者前導持案者次之冊
使等初行樂作出門樂止侍中前跪奏稱侍中臣某言禮畢俛伏興
還侍中位所由承旨索扇扇上皇帝興太樂令令撞蕤賓之鍾右五
鍾皆應鼓祝奏太和之樂皇帝降座御輿入自東房侍衛警蹕如來
儀侍臣從至閣扇開樂止通事舍人引群臣在位者以次出舉冊者
及冊使至長樂門外次如後儀

公主受冊

尚儀二人

司贊一人

掌贊二人

女史四人

對舉冊案

前一日尚舍守宮計會設使者及冊案便次於光範門及長樂門外
皆道右東向司贊設公主位於長樂門外內殿前近南當階北面西
上又設內命婦應陪位者位於公主東北及西北嬪御等在東宮官
等在西階重行相對北上又於內命婦之前設尚儀位二皆東向以
西為上又於尚儀位南少退設司贊位掌贊二人陪其後其日典儀

設冊使位於長樂門外之西東向北上又設舉冊案者位二在南
退東向內謁者監先取公主冊案置於長樂門外近限內命婦以下
及應在位者並服禮衣先就位公主花釵翟衣司言引就受冊位侍
從如常儀通事舍人引冊使副使等出就位持節者立於使者之北
少退持冊案者立於冊使副西南俱東向持節者去節衣持冊案者
以案進冊使之前北向相次而立內侍二人引使者詣門內謁者舉
案少前便取公主冊冊置於案俛伏興通事舍人引冊使副使等俱
進就次以俟尚儀率女史詣門昇冊案入各就尚儀之前對舉冊案
皆東向司贊曰再拜凡司贊有詞皆贊皆承傳司言贊公主再拜尚儀取公主冊
於案持案者退少前北面稱有制曰司言贊公主再拜尚儀執冊跪讀訖
退復位以冊進授公主公主受冊以授司言訖司贊曰再拜公主再拜
在位皆再拜司贊少前稱禮畢司言引公主退在位以次退掌贊報
內謁者監禮畢內謁者監傳報冊使等詣太極殿前南橫街南北面
西上立中書令立於冊使等東北西面冊使再拜復命曰奉制冊命
其公主禮畢又再拜中書令奏聞冊使等退幡節各還本司

五十六
文獻通考卷二百五十八
九二

納采

前一日主人設使者次於大門之外道右南向其納吉納徵請期其親迎等禮皆如之
日大昕使者至於主人大門外贊禮者延入次九賓主及行事者皆公服使者出
次贊禮者引至於大門外之西東面主人立於東階下西面儂者立
於主人之左北面受命出立於門東西面曰敢請事使者曰朝恩賜
室于某公之子某公有先人之禮使某也請納采儂者入告主人曰
寡人敢不敬從儂者出告掌畜者以鴈授使者其餘並如一品婚儀
問名

使者既出至主人還阼階上西面曰皇帝第某女封某公主餘行事
並如一品婚儀其禮使者戶牖之間贈之篚幣及兩馬詞云吾子為

納吉

納吉

其日大昕使者至請事使者曰加諸卜占曰吉使其也某也敢告主人曰某公有吉寡人與在馬寡人不敢辭餘如納采之儀

納徵

其日大昕使者至入次掌事者布幕於內門外玄纁束帛陳於幕上乘馬在幕南北首西上掌事者璋以匱俟於幕東使者曰朝恩既室于某公之子某公有先人之禮使某也以束帛乘馬請納徵主人曰某公順先典貺以重禮寡人敢不承命餘並如一品婚儀請期

其日大昕使者至入次至請事使者曰某公有賜既申受命某公使某請吉日儻者入告主人曰寡人既受前命惟命是聽使者曰某公命某聽命於王儻者入告主人曰寡人固惟命是聽使者曰某公使其受命於王王不許某敢不告期曰某日餘並如一品婚儀親迎

中字五百四十二

文獻通考卷之二百五十一

廿三

其日大昕婿之父告廟醮子並如一品婚儀子再拜降出乘輅備儀仗詣主人之第賓將至內贊者布席於東房當戶南向設樽醴於東房主人醴公主如一品醴女之儀公主著花釵榆翟纁褂入房以下並如一品醴女儀訖主人降立於東階東南西面贊禮引賓出次立於門西東面儻者進受命出門東面曰敢請賓曰某王命某之父以茲初昏命某將請承命儻者入告主人曰寡人固敬具以請至奠鴈出如常禮初賓入門主婦出立於房中外之西南面於賓拜訖姆導公主出主人少進西面戒之如有正焉若衣若花命之曰戒之敬之夙夜無違命主婦戒之於西階上施衿結悅戒之曰勉之敬之夙夜無違公主出以下並如常儀

同牢

初婚掌事者設洗於東階東面及陳設牢饌鉶俎之數各依其品羊豕節折大羹在於臠其器皆明鳥漆惟餘並如一品儀

見舅姑

見之日公主夙興沐浴著花釵服榆翟舅服公服姑著鈿釵禮不其儀同一品婚禮公主降西階以出無取脯授婦氏之儀

盥饋舅姑

公主盥饋以少牢舅姑公主服如見禮及醑舅姑訖內贊者設公主

席於舅姑席東北南面餘並如一品禮

婚會 婦人禮儀

以上並如一品婚儀

饗文夫送者

同一品儀加送以乘馬設從者乃於西廊下

饗婦人送者

女相者引貴升降酬以束帛餘如丈夫禮

唐和蕃公主

小字三十七

文獻通考卷之二百五十八

廿四

弘化 宗室女正觀時降吐

文成 宗室女正觀時降吐蕃贊普弄

之弄贊親迎河源見王人執子婿禮甚謹歎大國服飾儀禮之盛有愧色謂不親曰我祖父未有通婚大國者今我得尚大唐公主當築

一城以誇示後世仍遣酋豪子弟請入國學習詩書從之

金城 雍王守禮女神尼

寧國 肅宗女乾元時降回紇英武威遠可汗置

永樂 宗室女開元時適契丹於鄭郡王李失活

固安 從外生女辛氏開元時降奚首領契丹松羅郡王李鬱于焉

東光 咸安公主韋氏降奚首領魯蘇

和義 宗室女天寶時降寧國奉化王

宜芳 外生女楊氏天寶時降饒樂都督懷信王李延寵

崇徽 僕固懷恩女大曆時降回紇可汗

太和 憲宗女長慶時出降回紇崇德可汗

梁太祖女

安陽公主適羅延規

長樂公主適趙毅

咸安 德宗女貞元時降回紇天親可汗置咸安公主府唯親王

普寧公主適王昭炸

金華公主

真寧公主

少帝女

壽春公主

壽昌公主

後唐武帝女

瓊華長公主適孟知祥

瑤英公主適張延釗

明宗女

永寧公主適晉高祖

興平公主適趙延壽

壽安公主

永樂公主

晉高祖女

長安公主適楊承祚

漢高祖女

永寧公主適宋延渥

周太祖女

樂安公主

永寧公主

壽安公主適張永德

宋太祖六女

三長女不及封

秦國長公主適王承衍

晉國大長公主適右保吉

許國長公主適魏成信

宋初之制初被選尚者即拜駙馬都尉賜玉帶襲衣銀鞍勒馬采羅百疋謂之擊親又賜其家銀萬兩令辦聘財之數倍於親王聘妃出降賜甲第餘如諸王夫人之制而扇加四引障花燭籠各加十

太宗七女

燕國長公主適吳元宸

長不及封

曹國長公主 皆出家為尼

鄧國長公主適王貽永

晉國大長公主適柴宗慶

齊國大長公主適李遵勳

齊國大長公主適李遵勳

仲祥三指那 文獻通考卷之二百五十八 廿五

繼昌帝聞而嘉之賜金幣

真宗二女

長女不及封

次及幼入道

亦早薨

仁宗十三女

周陳國公主適李璋

周國公主

漢國公主

秦國公主

魏國公主

魯國公主

吳國公主

燕國公主

楚國公主

皆蚤夭

兗國公主適曹詩

秦魯國大長公主適錢景臻

至紹興十三年始薨

慶壽寶壽二公主史不言所適

公主冊禮嘉祐二年儀注前一日有司設冊使副幕次於內東門外又設內命婦次於公主受冊印本位門外又設公主受冊印位於本位庭階下北向又設冊使位於內東門副使及內給事於其南差退

小字二十七

文獻通考卷之二百五十八

廿六

並東向北上又設冊印案位於冊使前南向又設內給事位於冊使北南向其日自文德殿奉冊印將至內給事詣本位諸公主服首飾綸翟冊印至內東門外褥位置訖內臣引內命婦俱入就位禮直官引冊使副俱立東向位內給事前東向躬稱冊使王堯臣副使田况奉制授公主冊印退復內給事入詣所設冊印本位公主前言訖退內給事進詣冊使前面使跪以冊印授內給事內給事亦跪以授內謁者冊使退復內謁者及主當內臣持冊印入內東門內給事從入詣本位庭又內給事贊公主降立庭中北向位跪取冊與立於公主之右少前西向又內給事立於公主之左少前東向又內給事稱有制內給事贊公主再拜內給事奉冊跪授公主公主受以授內給事奉印亦然復贊再拜前引公主升位以次內臣引內命婦賀內給事贊言禮畢內命婦退遂引公主謝皇帝皇后冊引如貴妃次引兗國公主之印

皆有匣

公主出降嘉祐二年禮官言禮閣新儀公主出降前一日行五禮古者結婚始用行人告以夫家采擇之意謂之納采問女之名歸卜夫廟吉以告女家謂之問名納吉今選尚一出朝廷不待納采又公主封爵已行誕告不得問名而卜之若納成則既有進財請期則有司擇日宜稍依五禮之名存其物數俾知古者婚姻之事重而夫婦之際嚴如此亦不忘古禮之義也時充國公主下嫁李璋詔俟出降日令夫家主婚者具合用鴈帛玉馬等物陳於內東門外以授內謁者進入內中付掌事者受之其馬不入

英宗四女

舒國公主 早夭

魏楚國公主適王師約

魏國長公主適王詵

韓魏國大長公主適張敦禮

神宗十女

吳國 鄆國 潞國 邢國 邠國 兗國 六主皆夭

四女

文獻通考卷之二百五十一

七

周國淑懷公主 早夭

唐國賢穆公主適韓嘉彥

潭國賢孝公主適王遇

徐國賢靜公主適潘意

哲宗四女

鄧國揚國二公主早世

秦國公主適潘正夫

陳國公主適石端禮

徽宗三十四女

嘉德帝姬適曹夤

崇德帝姬適曹晟

順淑帝姬早亡

安德帝姬適宋邦光

茂德帝姬適蔡儵

壽淑帝姬早亡

慧淑帝姬

安淑帝姬 並早

崇德帝姬適曹湜

康淑帝姬

榮淑帝姬

保淑帝姬 並早亡

成德帝姬適向子房

旬德帝姬適田丕

悼穆帝姬

熙淑帝姬

敦淑帝姬 並早亡

顯德帝姬適劉文彥

順德帝姬適向子哀

申福帝姬

保福帝姬

賢福帝姬

仁福帝姬

並早亡

柔福帝姬

寧福帝姬

和福帝姬

永福帝姬

惠福帝姬

令福帝姬

華福帝姬

慶福帝姬

儀福帝姬

純福帝姬

恭福帝姬

並未及選尚從北狩殺於虜中

四朝國史傳史臣曰國朝帝女封公主必襲漢唐或以美名或以國姊妹曰長公主諸姑曰大長公主至祖姑則或加兩國政和三年蔡京為相建議以為不典始改為帝姬以二字易國名四字易兩國名自祖宗以降數十女皆追加封冊至中興時始復初故今所書但仍舊式唯徽宗諸主乃從一時之制云

帝姬降嫁儀納采問名納吉請期婿家具禮物

並用納成幣等修表

如儀前期太史局擇日差官奏告景靈東西宮親迎前一日所司於東門外量地之宜西向設婿次其日大昕婿之父服其服告於禰廟

六十四

文獻通考卷三百五十八

六八

曰無廟者行廳事東閣設神位

天子降女於某名以某日親迎敢告再拜子將行

父醮子於廳事贊者設父位於中間南向設子位於父位之西近南

東向父即座子公服升自西階進立於位前贊者注酒於醴西向授

子子再拜跪受贊者又奉饌設於位前子舉酒興即座飲食訖降再

拜贊禮者引立於父位前父命之曰往迎肅雍以昭惠宗祐子再拜

曰祇率嚴命又再拜降出乘馬至東華門內下馬禮直官引就次有

司陳帝姬鹵簿儀仗於內東門外候帝姬將升厭翟車禮直官引婿

出次立於內東門外躬身西向掌事者以鴈陳於前內謁者奉鴈以

進俟帝姬升車訖婿再拜先還第同牢其日初昏掌事者設巾洗各

一於東階東南一於室之北水在洗東尊於室中實四爵兩盞於

篚爵以常用酒器代之婿至本第下馬以俟帝姬至降車贊者引婿揖帝姬

以入及寢門又揖婿導帝姬升降入室盥洗掌事者布對位婿揖帝

姬皆即座受醴三飲婿及帝姬俱興再拜訖贊者徹酒見舅姑夙興

帝姬著花釵服榆翟以俟見贊者設舅姑位於堂上東西相向舅位於東姑位於西舅姑服其服俱就位後立女相者引帝姬升自西階詣舅位前再拜訖贊者以棗卓授帝姬帝姬奉棗卓置於舅位前舅即座贊者進徹以東帝姬退復位又再拜女相者又引帝姬詣姑位前再拜訖贊者以殿脩授帝姬帝姬奉殿脩置於姑位前姑即座贊者受以東帝姬退復位又再拜次醴婦盥饋饗婦如儀五年五月嘉德帝姬下嫁曹貴詔用新儀行盥饋之禮皇后宮闈送至第外命婦免從重和五年十一月蔡京請免茂德帝姬下降見舅姑行盥饋之禮詔不允又詔神考治平間親灑宸翰以王姬下降躬行舅姑禮草去歷代必香之弊以成婦道以風天下於是崇寧大觀以來詔有司講求典禮繼頒五禮新儀著為永法近聞徒有奉行之名而舅姑既不端坐返有下拜之禮甚失本意可自今帝姬下降恪遵新儀

中興國史傳論曰右三十四帝姬早亡者十四人餘皆北遷獨恭

中興國史傳

文獻通考卷之二百五十五

十九

福帝姬生才周時虜不知故不行建炎三年薨封隋國公主安德帝姬有遺女一人後適嗣秀王伯圭封秦國夫人榮德帝姬至燕京駙馬曹成卒改適習古國王紹興中有商人妻易氏者在劉超軍中見內人言宮禁事遂自稱榮德帝姬鎮撫使解潛送至行在遣內夫人驗之言其詐遂付大理寺獄成詔杖死又有開封尼李靜善者內人言其貌似柔福靜善即偽稱之蘄州兵馬鈐轄韓世清送至行在遣內侍馮益等驗視為所欺遂封福國長公主出適永州防禦使高世榮其後內人從顯仁太后歸言其妄送泮寺治之內侍李諤自北還又言柔福在五國城適於還而薨靜善遂伏誅柔福之薨也在紹興十一年從梓宮來者以其骨至葬之追封和

國長公主

孝宗二女

嘉國公主

次女

俱早世

光宗三女

文安公主

和政公主

齊安公主

俱早世

寧宗一女

祁國公主

早世

仲字五

文獻通考卷之二百五

卷之



